



INFO CBBiH



U ovom broju:CBBiH OBILJEŽILA SVJETSKI DAN
ŠTEDNJEDEPOZITI GRAĐANA 11,83
MILIJARDI KMCBBiH DOGRADILA JEDINSTVENI
REGISTAR RAČUNA POSLOVNIH
SUBJEKATA U BiHUBBiH I CBBiH ORGANIZIRALI
STRUČNI SKUP ZA MEDIJEGUVERNER CBBiH NA GODIŠNJOJ
SKUPŠTINI MMF-A I SVJETSKE
BANKEDJELATNICI CBBiH SUDJELOVALI
U B2B UTRCI

AKCIJA DARIVANJA KRVI



Izdavač: Centralna banka Bosne i Hercegovine;
Adresa: Maršala Tita 25, 71000 Sarajevo

Priprema: Služba za odnose sa javnošću

Prevod tekstova na engleski jezik: Služba za odnose sa javnošću

Lektura (jezici bh. naroda i engleski jezik): Služba za publikacije i biblioteku i
Služba za protokol i prevođenje

Web stranica: <http://www.cbbh.ba>
E-mail: pr@cbbh.ba
kontakt telefon: (033) 278 123

CBBiH OBILJEŽILA SVJETSKI DAN ŠTEDNJE

Centralna banka Bosne i Hercegovine (CBBiH) je i ove godine, već tradicionalno, obilježila Svjetski dan štednje 31. 10. 2018. godine, s tim što je obilježavanje trajalo tri dana od 30. 10 do 1. 11. 2018. godine.

Objekte CBBiH u Sarajevu je 31. 10. 2018. posjetilo više od 60 učenika iz dvije osnovne škole, Osnovna škola „Grbavica I“ iz Sarajeva i Osnovna škola „Sveti Sava“ iz Istočnog Sarajeva, zajedno sa svojim učiteljicama.

Učenike osnovnih škola dočekali su djelatnici Odjela za ljudske resurse i Odjela trezora, koji su u auli Centralnoga ureda CBBiH djeci pokazali specimene novčanica iz starih vremena i objašnjavali način tiskanja i zaštite novčanica konvertibilne marke.

Nakon kratkoga posjeta postavci novca, učenici su posjetili novu zgradu Centralnoga ureda CBBiH gdje su u amfiteatru bili sudionici radionice kojom je na inovativan, i djeci prilagođen način, prikazan nastanak novca te svrha i značaj štednje.

Nakon posjeta učenika osnovnih škola, u posjet CBBiH u Sarajevu stiglo je i više od 90 učenika srednjih škola, Mješovite srednje škole iz Maglaja i Mještovite srednje škole „Doboj-Istok“ iz Velike Briješnice, sa profesorima. U amfiteatru Centralnoga ureda CBBiH, prigodnu prezentaciju održala je viceguvernerka CBBiH Želimira Raspudić.

Svjetski dan štednje obilježen je i u Glavnoj jedinici Mostar CBBiH koju su posjetili učenici trećega razreda mostarske Osnovne škole „Antun Branko Šimić“ i učenici Gimnazije Mostar. U povodu Svjetskoga dana štednje, u objektu Glavne banke Republike Srpske CBBiH u Banjoj Luci organiziran je posjet učenika Osnovne škole „Ivo Andrić“ i učenika Srednje ekonomskе škole. Obilježavajući ovaj dan, u Palama su, u objektima Osnovne škole Pale i Srednjoškolskoga centra Pale, organizirane prigodne aktivnosti, dok su u Brčkom organizirani posjeti učenika Prve i Druge osnovne škole i učenika Srednje ekonomskе škole objektima CBBiH Filijale Brčko.

Učenicima su upriličene prigodne prezentacije, prilagođene uzrastu, o upravljanju novcem i značaju štednje, s ciljem da se kod djece od najranijih dana stvari svijest i razvoj ovih korisnih navika. Osim toga, bila je to za učenike prigoda upoznati se o radu CBBiH i njezinim funkcijama. Svjetski dan štednje bio je prigoda da se učenicima podijele prigodne publikacije, brošura za djecu „Novko i Novčica u svijetu novca“ te letak za srednjoškolce pod nazivom „Što je štednja?“.

Ovi događaji organizirani u povodu Svjetskoga dana štednje, sastavni su dio finansijske edukacije koju CBBiH posljednjih godina provodi s ciljem jačanja finansijske inkluzije na način odgovornoga upravljanja financijama za dobrobit ekonomskoga razvoja i rasta Bosne i Hercegovine. Tako je do sada CBBiH otvorila vrata učenicima osnovnih i srednjih škola te studentima iz cijele BiH i sveučilišta izvan BiH (SAD, Austria).

Navedene aktivnosti su realizirane u okviru projekta Promocija finansijske edukacije i inkluzije koju provodi CBBiH uz potporu Europskoga fonda za jugoistočnu Europu Development Facility (EFSE DF).



DEPOZITI GRAĐANA 11,83 MILIJARDI KM

Prema podacima Centralne banke Bosne i Hercegovine (CBBiH), na kraju rujna 2018. godine ukupni depoziti stanovništva kod poslovnih banaka u BiH iznosili su 11,83 milijardi KM, što je najveća zabilježena razina. Depoziti stanovništva imaju daleko najveći udjel u ukupnim depozitima kod poslovnih banaka, od 55,4%, pa stoga predstavljaju važan temelj financiranja i funkciranja banaka.

Ako promatramo depozite stanovništva po ročnoj strukturi, oročeni i štedni depoziti u rujnu 2018. iznose 5,45 milijardi KM ili 46,1% ukupnih depozita stanovništva, od toga kratkoročni



depoziti čine 500 milijuna KM, a dugoročni 4,95 milijardi KM. Transakcijski računi i depoziti po viđenju čine 6,38 milijardi KM ili 53,9% ukupnih depozita stanovništva.

U pogledu valutne strukture, depoziti stanovništva u domaćoj valuti iznose 5,54 milijardi KM što čini 46,8% udjela, što je značajno više nego prije pet godina kada je udjel depozita u domaćoj valuti bio 38%. Depoziti u eurima iznose 5,70 milijardi KM ili 48,2%, a depoziti u ostalim stranim valutama 591 milijun KM ili 5%.

Stanovništvo u BiH kontinuirano povećava depozite, pa su tako u usporedbi sa stanjem na kraju rujna prošle godine porasli za čak 808,9 milijuna KM ili 7,8%. Međutim, postoje značajne razlike u tempu rasta ovisno o tipu depozita. Najbrže rastu transakcijski depoziti, koji su porasli za 18,0% (odnosno 489 milijuna KM), zatim depoziti po viđenju koji bilježe porast od 14,4% (odnosno 311 milijuna KM). Oročeni i štedni depoziti, a koji odražavaju štednju, neznatno rastu i na godišnjoj razini imali su porast od 0,3% (18 milijuna KM).

Na usporeni rast oročenih i štednih depozita stanovništva utječe i kontinuiran pad kamatnih stopa tijekom posljednjih godina. Kamatne stope na oročene depozite stanovništva

u euro valuti bilježe kontinuiran pad tijekom posljednjih pet godina, sa manjim oscilacijama. Tako su za oročene depozite stanovništva u eurima sa dogovorenim dospijećem od 1 godine do 2 godine smanjene sa 3,279%, koliko je bila prosječna stopa za 2013. godinu, do 1,188% u prvih devet mjeseci 2018. godine. Istodobno, za oročene depozite sa dogovorenim dospijećem preko 2 godine bile su na nešto višoj razini, ali sa istim trendom smanjivanja od 3,945% u 2013. godini do 1,462% u prvih devet mjeseci 2018. godine. Za isti promatrani period, kamatne stope na oročene i štedne depozite stanovništva u KM sa dogovorenim dospijećem od 1 godine do 2 godine su se smanjivale od 3,262% na 1,276%, a za oročenje preko 2 godine u rasponu od 3,661% do 1,371%.

Stabilan domaći bankarski sektor, uz pouzdan sustav za osiguranje depozita, pruža jamstvo stanovništvu za držanje svojih finansijskih sredstava na računima u bankama, a putem kojih obavljaju tekuće transakcije ili štede za kasnija razdoblja. Na temelju tog povjerenja i povjerenih sredstava stanovništva, banke su u mogućnosti financirati i doprinositi učinkovitijem funkcioniranju i rastu ekonomije, te pomoći reducirati neformalne transakcije.

ŠTEDNJA - TEMELJ ZA RAST I RAZVOJ

Svjetskim danom štednje obilježava se sjećanje na Prvi međunarodni kongres štedioničara, održan 31. listopada 1924. godine u Miljanu, na kojem su predstavnici svjetskih štednih ustanova, njih 350 iz 27 država svijeta, tražili izlaz iz krize koju je prouzročio Prvi svjetski rat. Na kongresu su zaključili da štednja predstavlja temelj za rast i razvoj, te se ovaj dan posvećuje propagiranju i jačanju svijesti javnosti o značaju štednje za suvremenu ekonomiju i osobne potrebe svakog pojedinca.

Značaj štednje uvijek je bio jako veliki, pa je tako i u današnje vrijeme stoga što štedišama omogućava stvaranje rezerve za buduću potrošnju te pomoći za eventualne finansijske teškoće. Štednja, istodobno, stvara preduvjete finansijskim institucijama za kreditiranje realnog sektora ekonomije.

Novčani depoziti su sredstva komitenata, najčešće stanovništva, a na koje komitent zarađuje kamatu koja je definirana kamatnom stopom. Građani BiH u poslovnim bankama drže depozite, u konvertibilnim markama ili stranoj valuti, kao kratkoročno ili dugoročno oročene, kao depozite po viđenju, te u vidu transakcijskih računa. Depoziti stanovništva u BiH kontinuirano rastu. Unatoč trenutno, niskim kamatama na depozite, građani nastavljaju držati depozite u domaćim bankama, što je pokazatelj uspostavljenog i održanog povjerenja u bankarski sektor i u sustav osiguranja depozita. Trenutačno program osiguranja depozita, koji provodi Agencija za osiguranje depozita Bosne i Hercegovine, pokriva sve depozite do iznosa od 50.000,00 KM.

U povodu Svjetskog dana štednje, a u sklopu programa finansijske edukacije koju već nekoliko godina provodi, Centralna banka Bosne i Hercegovine (CBBiH) svake godine organizira više prigodnih aktivnosti. Ove aktivnosti su prethodnih godina uglavnom organizirane u Centralnom uredu CBBiH u Sarajevu, međutim od ove godine organiziraju se po svim glavnim jedinicama i podružnicama, a po potrebi i u školama.

Radi se o posjetima učenika osnovnih i srednjih škola, tijekom kojih se učenicima upriliče prigodne prezentacije, prilagođene uzrastu. Prezentacije su o temi upravljanja novcem i značaju štednje, s ciljem stvaranja svijesti i razvoja ovih korisnih navika kod djece. Osim toga, tijekom posjeta učenici budu u prigodi od djelatnika CBBiH dobiti sve važne informacije o glavnoj monetarnoj instituciji u BiH i njezinim funkcijama.

Navedene aktivnosti se realiziraju u sklopu projekta Promocija finansijske edukacije i inkluzije koji provodi CBBiH uz potporu Europskog fonda za jugoistočnu Europu – Development Facility (EFSE DF).

CBBIH DOGRADILA JEDINSTVENI REGISTAR RAČUNA POSLOVNIH SUBJEKATA U BOSNI I HERCEGOVINI



U cilju unapređenja platnih sustava, Centralna banka Bosne i Hercegovine (CBBiH) izvršila je dogradnju Jedinstvenog registra računa poslovnih subjekata u Bosni i Hercegovini na novu platformu i s novim funkcionalnostima, a koji je počeo raditi 1. 10. 2018. godine.

Radi se o registru svih računa poslovnih subjekata koji platni promet u Bosni i Hercegovini obavljaju preko računa otvorenih u bankama i CBBiH. Novost je da se sada u registru nalaze svi računi poslovnih subjekata, dok je do sada sadržavao samo transakcijske račune.

Jedinstveni registar računa poslovnih subjekata u Bosni i Hercegovini prvenstveno će koristiti poslovnim bankama, poreznim organima, organima uprave, organima za provođenje zakona te ostalim razinama vlasti prilikom otkrivanja finansijskih struktura i transakcija koje tvrtke i pojedinci mogu

iskoristiti na nezakonit način, npr. za izbjegavanje plaćanja poreza i pranje novca. Registar će, također, pružati informacije svim pravnim i fizičkim licima koja naplatu svojih potraživanja moraju tražiti prinudnim putem ovlaštenih institucija.

Jedinstveni registar računa poslovnih subjekata u Bosni i Hercegovini vodit će CBBiH, dok za točnost i pravovremenost dostavljenih podataka odgovaraju isključivo poslovne banke.

Podatci iz Jedinstvenog registra računa poslovnih subjekata u Bosni i Hercegovini biti će dostupni za ovlaštene korisnike izravno putem interneta te za sve ostale korisnike u formi pojedinačnih izvješća. Novina je da, pored CBBiH i entitetskih agencija za bankarstvo, besplatan pristup putem interneta mogu ostvariti i institucije, organi uprave, jedinice lokalne samouprave i poslovne banke. Ova novina navedenim subjektima omogućuje da putem interneta imaju stalni pristup potrebnim podacima, a što osigurava učinkovitije korištenje u odnosu na pisane zahtjeve.

CBBiH distribuciju podataka iz Jedinstvenog registra računa poslovnih subjekata u Bosni i Hercegovini u formi pojedinačnih izvješća i dalje vrši preko organizacijskih jedinica (glavne jedinice i podružnice), temeljem pisanog zahtjeva. Korisnici će izvještaje moći preuzimati osobno, putem telefaksa ili putem e-maila. Novost kod distribucije ove vrste izvješća je da ih je sada, pored glavnih jedinica, moguće preuzeti i u podružnicama CBBiH u Brčkom i na Palama.

Sve relevantne podatke i informacije o Jedinstvenom registru računa poslovnih subjekata u Bosni i Hercegovini zainteresirani mogu pronaći na web stranici CBBiH – www.cbbh.ba u dijelu koji se odnosi na platne sustave.

UBBiH I CBBiH ORGANIZIRALI STRUČNI SKUP ZA MEDIJE

U organizaciji Udruge banaka Bosne i Hercegovine (UBBiH) i Centralne banke Bosne i Hercegovine (CBBiH), u prostorijama CBBiH u Sarajevu je 25. 10. 2018. godine održan stručni skup za medije s ciljem razmjene mišljenja i produbljivanja razumijevanja u vezi sa zakonom iz oblasti bankarske industrije i njihovog izravnog utjecaja na rad banaka i klijente.

Unapređenje finansijske pismenosti korisnika bankarskih usluga zajednički je cilj banaka i medija, zaključeno je, između ostalog, na ovome skupu čiji je naziv bio „Legislativa u bankarskoj industriji i izravan utjecaj na klijente“.

Stručni skupovi poput ovoga odlična su prigoda za jačanje suradnje s medijima u cilju približavanja uloge bankarskog sektora u razvoju društvene zajednice, educiranju građana o korištenju bankarskih proizvoda, te uskoj povezanosti razvoja ekonomije i finansijskog sektora, rekao je predsjednik Upravnog odbora UBBiH Dalibor Ćubela.

„Svi smo ujedinjeni u naporima da stvorimo bolje uvjete života u Bosni i Hercegovini“, kazao je Ćubela.

„U svijetu središnjih banaka, finansijska edukacija i finansijska inkluzija polako postaju dio obveznog mandata, jer se smatra da



podizanje razine svijesti svakog pojedinca neizravno doprinosi finansijskoj stabilnosti u zemlji. Finansijski educiran klijent je osoba koja poznaje svoje limite, i kao takav jednako je važan za finansijsku stabilnost kao i sve makroprudencijalne mjere koje se provode na institucionalnoj razini. Centralna banka Bosne i Hercegovine je u posljednjih nekoliko godina pokrenula, samostalno i u suradnji s partnerskim organizacijama, niz aktivnosti na podizanju finansijske pismenosti stanovništva, od kojih izdvajamo više seminara, edukativnih posjeta instituciji, radionica za mlade i publikacija”, naglasio je guverner CBBiH dr. Senad Softić.

„Jedan od temeljnih ciljeva novog regulatornog okvira bankarskog sektora Europske unije je uspostaviti jaču otpornost banaka na finansijske šokove i njihovu transparentnost, s posebnim fokusom prema krajnjim korisnicima njihovih usluga. Imajući u vidu navedeno, smatram da je ovo veoma važan stručni skup koji ima za cilj bolje razumijevanje načina na koji funkcioniraju banke, te da apsolutno doprinosi korisnicima finansijskih usluga i novinarima da bolje anticipiraju promjene i da se adekvatnije kritički osvrnu na određene procese u bankarskom sektoru”, izjavio je dugogodišnji bankarski risk menadžer mr. Amir Softić.

“Edukacija o poslovanju banaka, načinu njihovog rada i izvješćivanja o njihovom radu je od izuzetnog značaja za sve one koje zanima poslovanje banaka, koji čitaju njihova izvješća,

prenose informacije o njima ili tumače njihovo poslovanje. Banke su veoma specifične finansijske institucije za čije razumijevanje je potreban visok stupanj znanja o njihovom mjestu i ulozi u jednoj ekonomiji, kao i osnovnim specifičnostima u njihovom poslovanju”; istakao je prof.dr.Velić Efendić, profesor Ekonomskog fakulteta u Sarajevu.

UBBiH i CBBiH žele odgovoriti na potrebu edukacije o bankarskom poslovanju, što će doprinijeti kvalitetnijem protoku informacija između banaka i korisnika njihovih usluga. Organizatori očekuju da će ovakvi oblici edukacija doprinijeti kvalitetnijem razumijevanju mesta i uloge banaka u bh. ekonomiji te kreiraju korektnije slike o bankarskom sustavu u cijelosti.



GUVERNER SOFTIĆ NA 40. SASTANKU KLUBA GUVERNERA REGIJE SREDIŠNJE AZIJE, CRNOG MORA I BALKANA

Guverner Centralne banke Bosne i Hercegovine (CBBiH) dr. Senad Softić sudjelovao je u radu 40. sastanka Kluba guvernera regije Središnje Azije, Crnog mora i Balkana koji je od 19. do 21. 9. 2018. godine, održan u Bukureštu, glavnom gradu Rumunjske.

Središnja tema ovog sastanka guvernera, među kojima su bili i predstavnici velikih središnjih banaka poput Rusije i Kine, bila je monetarna politika i finansijska stabilnost. Osim toga, raspravljanje je i o brzom plaćanju u kontekstu opsežnijih platnih sustava.

Diskusija se vodila u tri panela, pod nazivima „Kako formulisati monetarnu politiku i održati finansijsku stabilnost u kontekstu jačanja USD? Kako odgovoriti na odljev kapitala?”, „Finansijska stabilnost i perspektive rasta korporativnog

duga u ekonomijama u razvoju” te „Brza plaćanja u kontekstu opsežnijih platnih sustava. Prednosti i rizici. Trebaju li biti promovirana od strane finansijskih regulatora?”

U okviru prvog panela prezentirano je izvješće radne grupe, koja između dva sastanka kluba guvernera obrađuje teme od interesa za sve središnje banke. Guverner CBBiH se u okviru ovog panela osvrnuo na perspektivu rasta korporativnog duga u narastajućim ekonomijama i ekonomijama u razvoju.

Klub guvernera regije Središnje Azije, Crnog mora i Balkana dva puta godišnje okuplja guvernera i druge visoke zvaničnike iz svijeta monetarne politike i finansija kako bi razmijenili mišljenja o aktualnim temama i dalnjem unapređenju međusobne suradnje.



NOVI ŠEF MISIJE MMF-A U BIH MARTIN PETRI U NASTUPNOM POSJETU CBBIH



Guverner Centralne banke Bosne i Hercegovine (CBBiH) dr. Senad Softić primio je 17. 9. 2018. godine, u nastupni posjet novog šefa misije Međunarodnog monetarnog fonda (MMF) za Bosnu i Hercegovinu Martina Petrija, koji će na ovoj poziciji zamijeniti dosadašnjeg šefa misije Nadeema Ilahija.

Teme sastanka s gдинom Petrijem su, između ostalog, bile status provedbe programa MMF-a s Bosnom i Hercegovinom, program predstojeće međunarodne konferencije o budućnosti gotovine koju CBBiH organizira 15. 11. 2018. godine, na kojoj će uvodno izlaganje održati visoki zvaničnik MMF-a, kao i tehnička suradnja MMF-a i CBBiH.

Pored novog šefa misije za Bosnu i Hercegovinu, sastanku je također prisustvovao i dosadašnji šef misije MMF-a u Bosni i Hercegovini Nadeem Ilahi, koji odlazi na novu dužnost, zatim rezidentni predstavnik MMF-a u Bosni i Hercegovine Francisco Parodi te drugi zvaničnici iz MMF-a i CBBiH.

GUVERNER CBBiH NA GODIŠNJOJ SKUPŠTINI MMF-A I SVJETSKE BANKE

Guverner Centralne banke Bosne i Hercegovine (CBBiH) dr. Senad Softić u razdoblju od 12. do 14. 10. 2018. godine nazočio je Godišnjoj skupštini Međunarodnog monetarnog fonda (MMF) i Svjetske banke (SB), koja je ove godine održana u Nusa Dui, Indonezija. U svojstvu guvernera, u Svjetskoj banci za vrijeme trajanja Godišnje skupštine, a po ovlaštenju predsjedatelja Vijeća ministara Bosne i Hercegovine dr. Denisa Zvizdića, guverner Softić nazočio je većem broju sastanaka sa zvaničnicima MMF-a, SB i drugih međunarodnih financijskih institucija.

Od niza sastanaka, treba izdvojiti plenarnu sjednicu Godišnje skupštine MMF-a i SB koja je bila fokusirana na potrebu unapređenja suradnje na globalnoj razini i uspostave novog oblika multilateralizma u cilju učinkovitije borbe s globalnim problemima, poput siromaštva, globalnog zagrijavanja i drugih problema s kojima se nijedna zemlja sama za sebe učinkovito ne može boriti. Ključna poruka je ta da je došlo krajnje vrijeme da se zaustavi rivalstvo i konkurenčija i da se pozornost usmjeri na ulaganje u ljudske resurse, obrazovanje, stjecanje vještina te jačanje sustava zdravstvene i socijalne zaštite.

Pored plenarne sjednice, guverner Softić nazočio je i redovitom sastanku nizozemsко-belgijske Konstituence MMF-a i SB kojoj pripada i Bosna i Hercegovina, a na kojoj su obrađene teme iznesene na plenarnom zasjedanju s osvrtom na regionalne specifičnosti. Ovi sastanci su također bili i prigoda da se razgovara o temama o kojima Konstituenci treba imati formiran stav na sastancima MMF-a i SB.



Tijekom boravka u Indoneziji, guverner Softić održao je sastanke s direktorom Odjela MMF-a za Evropu Paulom Thomsenom, potpredsjednikom SB za ECA regiju Cyrilom Mullerom, izvršnim direktorom u MMF-u Anthonyem de Lannoyem i izvršnim direktorom u SB Frankom Heemskerkom. Na ovim sastancima razgovarano je o ekonomskim kretanjima, monetarnoj politici, bankarskom i financijskom sektoru te o aktualnostima u vezi s programom Bosne i Hercegovine s MMF-om.

Na poziv guvernera Banke Indonezije, guverner Softić nazočio je konferenciji na visokoj razini organiziranoj u cilju poticanja rasprave o temi podrške investicionim aktivnostima vezano za održavanje ekonomskog razvoja, kao i redovitoj prezentaciji stanja regionalne ekonomije, tijekom koje su visoki zvaničnici središnjih banaka i međunarodnih financijskih institucija razgovarali o ekonomskim pokazateljima.

VISOKO IZASLANSTVO USAID U POSJETI CBBIH

Guverner Centralne banke Bosne i Hercegovine (CBBiH) dr. Senad Softić primio je 5. 10. 2018. godine visoko izaslanstvo USAID-a (United States Agency for International Development).

Izaslanstvo USAID-a činili su Gretchen Birkle, zamjenica pomoćnika administratora Ureda USAID za Evropu i Euroaziju, Andrew Bogel, ravnatelj Ureda za ekonomski razvoj pri misiji USAID u BiH, Amira Vejzagić-Ramhorst, zamjenica ravnatelja Ureda za ekonomski razvoj pri misiji USAID-a u BiH, David King, voditelj projekta USAID FINRA (Financial Sector Reform Activity) te Marko Škreb, tehnički ravnatelj USAID FINRA.



i pri uspostavi Središnjeg registra kredita fizičkih i pravnih lica i kod drugih projekata, a što je omogućilo CBBiH kvalitetniji rad. Kontinuitet suradnje s USAID-om je nastavljen i putem projekta FINRA”, rekao je guverner Softić.

Čestitajući 20. obljetnicu konvertibilne marke, gđa Gretchen Brikle je istaknula da američka Vlada cijeni stabilnost i rad CBBiH, posebice stoga što je vitalni financijski sektor, s brzim pristupom financijama, bitan i za tvrtke i za klijente.

”Više od dva desetljeća USAID surađuje s CBBiH kako bi u partnerstvu izgradili ključne poluge financijskog sektora, uključujući Središnji registar kredita fizičkih i pravnih lica. Međutim, još uvijek postoji prostor za poboljšanje i USAID će nastaviti pružati potporu CBBiH u ispunjavanju tih obveza”, naglasila je gđa Brikle.

DJELATNICI CBBiH SUDJELOVALI U B2B UTRCI

Djelatnici Centralne banke Bosne i Hercegovine (CBBiH) sudjelovali su u B2B utrci, koja je održana 27.9.2018. godine u Sarajevu, na Vilsonovom šetalištu.


Ekipu CBBiH činila su 43 djelatnika, a ostvareni su izuzetno dobri rezultati. Naime, ekipa CBBiH je ovom prigodom osvojila nagradu za NAJ FIT ekipu utrke, a ženska ekipa je u ukupnom poretku osvojila odlično 3. mjesto.



Na sastanku su razmijenjene informacije o dosadašnjim projektima koje je CBBiH implementirala uz pomoć USAID, kao i trenutnim i planiranim aktivnostima.

Guverner je iskoristio posjet izaslantva USAID kao prigodu da se zahvali na velikoj pomoći koju je ova organizacija do sada osigurala u procesu reformi financijskog sektora u Bosni i Hercegovini. Tom prigodom je spomenuo brojne projekte koji su već uspješno provedeni i završeni, kao i projekt koji je u tijeku – USAID FINRA, program usmjeren na jačanje i stabilnost financijskog sektora u BiH te njegovo usklađivanje sa standardima EU.

„Kroz projekte koje je financirao, USAID je dao ključan doprinos učinkovitoj i brzoj reformi financijskog sektora u BiH. CBBiH je imala potporu u reformi platnog prometa, a koja se smatra jednom od najuspješnijih reformi u Bosni i Hercegovine, kao



AKCIJA DARIVANJA KRVI

I ove godine, 4. 10. 2018. godine, u Centralnom uredu Centralne banke Bosne i Hercegovine (CU CBBiH) organizirano je dragovoljno darivanje krvi, u suradnji sa Zavodom za transfuzijsku medicinu FBiH. Svim darivateljima krvi bila je određena krvna grupa i rh faktor, razina hemoglobina u krvi te su obavljena testiranja krvi na transmisione bolesti.

Inače, CBBiH i dalje ruši svoje rekorde kada je dragovoljno darivanje krvi u pitanju. Ove godine bila su prijavljena čak 33 djelatnika, od kojih je 23 djelatnika darivalo krv, odnosno bili su potpuno fizički zdravi za darivanje.

Ovim putem želimo zahvaliti našim djelnicima, sa željom da nas sljedeće godine bude još više.



